

Zeitschrift: Annalas da la Societad Retorumantscha
Herausgeber: Societad Retorumantscha
Band: 76 (1963)

Artikel: Inscunter Piemunt-Grischun
Autor: [s.n.]
DOI: <https://doi.org/10.5169/seals-226438>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.08.2025

ETH-Bibliothek Zürich, E-Periodica, <https://www.e-periodica.ch>

IV Congress ladin-rumantsch internaziunal

Ils Ladins da las Dolomitas, dal Friul ed ils Rumantschs as radunan mincha quater ans per svagliar l'interess pels problems da quists pitschens pövels ladin-rumantschs sparpagliats da las muntognas grischunas fin a l'Adria e per promover la volontà da's sustgnair vischandaivelmaing. L'ultim congress d'eira stat a Cuoir. Quista jada ha la Direzione generela de l'Union di Ladins tramiss l'invid pel quart congress dals 8—10 settember 1962 ad Ortisei.

Cun granda cordialità sun gniüts salüdats ils partecipants la sanda saira illa Cesa di Ladins ad Ortisei. Davo il cult divin cun predgia ladina han ils rapreschantants da las diversas societats dat rapport da la situaziun e dals problems linguistics da lur regiun. Il davomezdi ha gniü lö ün bellischem cortegi cun üna festa folcloristica dad üna rara variaziun. La musica da Sent e la gruppa da costüms da San Murezzan han rapreschantà ils Rumantschs. Il lündeschdi ais stat dedichà ad üna visita da las vals Badia, Pieve-Fedon e Fassa. Las differentas organisaziuns ed il pövel da quistas vals han fat üna accoglientscha ourdvart cordiala. Quista insembel cun la bellezza da la cuntrada, han fat ün' impreschiun inschmanchabla. Ün tal inscunter cun amis da l'otra vart dals cunfins dà darcheu forza e curaschi illa lavur per nossa lingua e cultura. Nus exprimin eir in quist lö nos cordial ingrazchamaint a noss frars ladins per tuot quai ch'els ans han sport in occasiun dal quart congress.

Inscunter Piemunt-Grischun

Als 20 e 21 d'october ha gniü lö a Turin ün inscunter Piemunt-Grischun organisà da «L'Associazione Piemonte-Svizzera di Torino». Quista associaziun voul cultivar l'amicizcha e promover ils böts ideals surour ils cunfins. La LR ha delegà a dr. Alexi Decurtins ed il Chantun al dr. Reto Florin. L'important da quist inscunter sun stats divers referats. Noss cumpatriot prof. Dr. Reto Bezzola a Turich ha fat ün discours davart il tema «Civiltà dei Grigioni». Il prof. dr. Flurin ha portà ils salüds dal Grischun in italian e prof. dr. Alexi Decurtins in lingua rumantscha.